



Tir Yimyim

www.tiryimyim.in

Regd. No. RNI. NAGAAO/ 2004/13113. Postal-NE/RN-717.

e-mail : tiryimyim@gmail.com

TAPAK 3

Yangia anidakangma :



Tir Yimyim



tiryimyim@aolima

YouTube icon

tir yimyim

TAPAK 8

Rajasthan nung Congress-i caste survey agitsü: Rahul Gandhi

ICC Rankings: Kohli tasembubai tuogo



VOL. XXI NO. 46 (ADOK 46) DIMAPUR

YANGTEPNÜ (THURSDAY)

YIMPOKSÜ (NOVEMBER) 23, 2023

₹ 5.00

Sovima nung Bamboo based Craft Concentration Centre lapok

Dimapur, November 22, 2023 adoktsü amanger" ta CM (TYO): Nagaland Chief Minister Neiphiu-i ashi.

Neiphiu Rio-i Heirloom Naga Centre, Sovima nung Bamboo based Craft Concentration Centre lapoktsü. "Asen teka mapa inyakertemi purapiteta yangluba ajanga alima dang asen senmang takar sayutsü" ta pai ashi.

"Entrepreneurs-i maneni tajungtiba akümtsü merangang aser kasa mapang asen nübortem anitetang. Wadding balala nung takok angurtemi teti tangar den nenoki shia meteta alibatem lemsateptsüla aser talisa lanuputu aser tanurtem sayutetsüla" ta CM Neiphiu Rio-isa ayongzük.

Iba sentong nung NEC, Secretary, K. Moses Chalai aser North East Cane & Bamboo Development Council, Assam, Managing Director, M.C. Omi Ningshen natia o jembi.

Advisor Pangjung-i Global Fisheries Conference nung aden

World Fisheries Day

21st & 22nd November, 2023



Kohima, November 22, 2023 tasentem angur anungji research agitsü aser ornamental fishes jangjatsü atema senotsü nündaker" ta Pangjung-i ashi.

Nagaland nung cold water fisheries sector nung mahseer amala angotemlir aser iba asoshi teinyaktsü wadang jenti lir, ta paisa ashi.

Iba round table meeting nung Nagaland nung arua mapa inyaktsü lenmang bushiteptsü jembitep.

Fisheries & Aquatic Resources Deputy Director Dr Rongsenkumzuk-i Advisor Pangjung den meina oa iba mungdang nung denogo.

Indo-Myanmar arrtsülen security akangshir

Imphal, November 22, 2023 (Agencies): Myanmar nung mepetmesü adokba atema Manipur state sorkari Indo-Myanmar arrtsü nung security forces akangshiogo ta CM N Biren Singh-i ashi.

"Onoki arrtsülen security forces akangshiogo aser tensa reprangdar. Assam Rifles dang masü saka state security forces, BSF aser CRPF mapa lemzütsüogo" ta pai ashi.

Assam sorkari tax & fee tasen lateter

Guwahati, November 22, 2023 teloktemi sentong ayongba atema taa balala agütsütsü.

Bihu benjung dena sobaliba sentongtem ayongtsü atema sorkar nem permission fee Rs 300 agütsütsü.

Iba policy ajanga kija aser

(Maneni tapak 8 nung...)

AM Gokhale aser par kinungertem Kutsapo senso kümdaktsü



(L) - Kutsapo Village Council aser Kutsapo sensosangertem asür Gokhale aser par dak nungi jakzüka aoba semchirsemnurtem ajak nem teti asoshi Kutsapo yimer senso temeten agütsüba kuli konang kaket yangi angur ; (R) - Phek district nung Kutsapo yimtak taoba Phek DC asür A.M.Gokhale kinungtsü Wt.Savita Gokhale-i den lanurtem pelatepa sobaliba ken atenba angur.

Dimapur, Nov.22 (TYO) : nung tarutsü mangdang tulu yur Nagaland nung taoba Chief Kutsapo yimtak mezung Village Development Board tenzüka aser pa dak nungi jakzüka yimtakirtem jenjang ajungkettsüba mapatem Kutsapo nunger asütsüsa senso temeten agütsügo.

Iba telemetetba ya yakanü November 20 nü asür A.M.Gokhale kinungtsü Wt.Savita Gokhale-i Kutsapo yim semdangba mapang par yim sensosangertem metedaktsü.

Kutsapo putu mendeni senso temeten agütsüba kulizüng kaket ka nung, "asür A.M.Gokhale leniba

agütsüogo.

Yakanü Wt. Savita Gokhale den Kutsapo nung lokti senden alidang, Kutsapo nung mezung VDB secretary Dukhui Vadeo-ia shiba agi, "asür A.M.Gokhale ya 1976 küm Phek nung Deputy Commissioner inyaka alidang, taoba Nagaland Chief minister Vamuzo tenati apiteta yimtakirtem asoshi terenlok mapatem tajungba nung inyaka aotsü asoshi yimtakirtem nem yimten tashi agütsütsü atema sentong ka tenzüksü jembitep. (Maneni tapak 8 nung...)

Longkhum yimtak Cherry Blossom Festival amonger

Mokokchung, November/ Yimpoksü 22 (TYO):

Longkhum yimtak tanü Cherry Blossom Festival "In Unison With Nature" omen nung amendaker tenzükogo aser iba sentong ya November 24 nü tembangtsü.

Longkhum lima nung Cherry naro küm aika ponga arur külén taküm Longkhum Village Council akhüm kübok Longkhum Tourism Development-i achayanga iba Cherry Blossom benjongmung ya ayonga akar.

Tanü iba sentong nung Alakteta Jaoker District Fishery Officer, Mokokchung Wb.T. Tatong Longchar-i jembidang "Longkhum nung Cherry Blossom Festival tilaka ayonga akaba ya Longkhum nunger asoshi mera tasen ka agiba lir, kechiaser iba festival ya Longkhum nunger asoshi dang masü saka ya Naga nunger asoshi nüngtoko festival ka

kümdaktsü" ta ashi.

Longkhum nunger iba festival ya tarutsü nung ano tajungtiba nung agitettü asoshi taküm dang nungi sentong tajungtiba renema akatsü renema atatsüla ta Tatong Longchar-isa Longkhum Tourism Development ayongzüka ashi.

Cherry Blossom festival ayongba ajanga alima penzürtem aika puatsü aser asen limai arutsü, anungji iba festival ya International festival ka kümtettsü asoshi inyakang ta paisa shisem.

1980 küm Tali Namo Nagaland nung Home Minister inyakba mapang iba Cherry süngdong ya pa achayangba kübok atem, anungji tanü pa taküm meliaka asenoki pa nema tenüngsang agütsülsüla ta Wb. Tatong-isa metedaktsü.

Kasa sentong nung Longkhum Village Council Chairman Wb. C. Angang Jamir aser Longkhum Development

Committee nung Wb. Rongpangwati Longchar tenati salem o aser tarur pela agizükba o jembi.

Sentong tenzüka APY & Child NCRC Kr. Teyongmenla-i sarasadem aser iba Cherry Blossom Festival moaja Longkhum Baptist Arogo Pastor Rev. T. Aka Jamir-i sarasadem.

Longkhum nung iba Cherry Blossom Festival akaba tesem nung stall balala lapoka chiyungtsü aser osettsüset tapu balala yokdagı aser aonung asemprongla nung kentener telok balalai kentena longsoa benjunteptsü sentong tajung renema lir.

1980 küm Longkhum nunger Tali Namo Nagaland nung Home Minister inyakba mapang iba Cherry süngdong ya pa achayangba kübok Alichen nungi yim tashi kilometer 5 shi atem aser küm aika ponga arur külén taküm iba Cherry Blossom Festival ya ayonga akar.

Tipra Motha-i ST status atema noktaktsü

Agartala, November 22, 2023

(Agencies): Scheduled Tribe (ST) status nungi lisopurtem agienra Tipra Motha-i anema noktaktsü ta Tripura opposition leader Animesh Debbarma-i ashi.

RSS den sendaktepa aliba Vanvasi Kalyan Ashram indang kongsang Janajati Suraksha Manch-i Christianity yimsü dangi meyiper lisopur dak nungi ST status agientsü takhangba agütsüba mapang ka nung Debbarma-i iba osang

metedaktsü.

Janajati Suraksha Manch-i December 25 Christmas anogo Swami Vivekananda ground nung 'delisting rally' alitsü metedaktsü.

"Iba teloki state sorkar dang Christianity agizükba lisopurtem dang nungi ST status agientsü atema rally ka alitsü temelaba meshiba ni angazükogo. Sorkari temelaba magütsütsü iular" ta Tipra Motha lennir Debbarma-isa ashi.

Linük nung reservation ya

tamangba yimsü mesüra sentü repranga meinyaker aser Tipra Motha-i Manch indang rally anema noktaktsü aser state ajungalen campaign alitsü ta paisa ashi.

"Iba ya tamangba yimsü nung ajemdaker nübortem tsüngda telesma adoktsüba merangba mapa ka lir. India ya secular ali tashibo nisung shingaia Christianity agizüker dák nungi ST status meyipa agütsü makok" ta paisa metedaktsü.

Naga Chef Season 10 nung tokteptsü nisung pezü shimogo



Dimapur, Yimpoksü/Nov. 22 (TYO): Hornbill Festival 2023 mapang Kisama nung agitsü aliba Naga Chef Season

10 nung tokteptsü asoshi Top 4 Finalists shimogo aser itemji Kazusangba Jamir, Lucy Tungoe, Paotinsen Kuki aser Yashimenla Longkumer alitsü.

Naga Chef Season 10 atema tetoktepba ya November 16, 2023 nü SIHM (State Institute of Hotel Management) nung tenzüka

liasü aser iba mapang applicants 21 aliba nungi par 14 shimteter tendanga/toktepa liasü.

Taoba hopta ka nung tetoktepba tabu trok liasü aser iba mapang 'starters' nungi 'mains' aser 'desserts' tashi indigenous ingredients dang

amshia sorochiokba nungi markets aser yimdak- yimtsüngtem nungi bendenba

aonsotsütem agütsü aser parnoki amshinüba amshia sorochiokdakja liasü.

Iba tetoktepba nung tetendanger tem ya SIHM indang principal Indranil Roychoudhury; Youth Net director Nuneseno Chase; social entrepreneur aser State convenor, INTACH, Sentila T. Yanger; Founder, Naga Bowl Express, Alemjungla Jamir aser chef Loni Khing nungertem liasü.

Kohima nung Jan Jatiya Gaurav Divas 2023 amung

Dimapur, Yimpoksü/Nov. 22 (TYO): Jan Jatiya Gaurav

Divas 2023 nüngtem nung Tribal Folk Song and Dance sentong ka Tribal Affairs kubok Tribal Research Institute (TRI) Nagaland ajanga ayongzüka liasü, kong Advisor, Tribal Affairs & Election, H. Tovihoto Ayemi tesemdanger tongti ka ama dena liasü.

Iba sentong ya The Garden, Kohima nung November 21, 2023 nü agia liasü.

Iba sentong nung jembidang, Nagaland nung aliba nüburtem

shilem 100 tribal nisungtem lir, ta Advisor Ayemi-i ashi.

Government of India-i tribal pur dak temolung agüja scheme balala tenzüka aliba indang pai ashi aser sobaliba tajung wazüka ayutsü pai ajungshia liasü.

Tribal Affairs Secretary, Angilana Tajen, NCS ajanga pela agizükba o jembidang Jan Jatiya Gaurav Divas ya Tribal Freedom Fighters temi shilem tulu agiba bilemteta 75th Azadika Amrit Mahotsav nung shilem ka ama Government of India-i tenzük, ta ashi.

Iba sentong nung Sumi,

Sangtam, Ao, Rengma, Phom, Chakhesang, Kuki, Lotha, Kachari, Tikhir, Yimkhiung, Angami, Chang, Khiamniungan, Pochuri, Zeliang aser Konyak kin temi sobaliba ken aser tsüngsang agi shilem agia liasü.

Iba sentong tenzüka Angap Ngapgang-i National Anthem aten aser Keziah Semy aser Pauloi natia shilem tajung agia par sempet sayua liasü.

Iba sentong nung menden Tiamongla liasü aser Director, Tribal Affairs, I.Sino Phom-i melepzüng o jembia liasü.

Tuensang Town nung Single-Use Plastic nokdanger

Dimapur, Yimpoksü/Nov. 22 (TYO): Tang nungi tenzüka

Tuensang Town Council kubok aliba tesemtem nung Single-Use Plastics nokdanger, ta ADC Tuensang aser Administrator, Tuensang Town Council, Thungchanbemo Tungoe-i

sangdong ka ajanga ashi.

Single-Use Plastic nungya tamtsü keta aliba mesüra maliba plastic carry bags ajak, Plates, cups, straws amala densema plastic cutlery, Styrofoam (thermocol), Polythene, Nylon, Poly-vinyl-chlorides (PVC), Poly-

Propylene, Poly-Styrene agi yangluba osettsüset aka dena lir.

Aibelener nem temerenshi agütsüsetü mesüra senchi achitsü asoshi TTC indang Inspector aser kettangsür nem temelaba agütsüogo, ta sangdong ajanga ashi.

Moko agi yangluba osettem ya contraband masü: MCCI

Dimapur, Yimpoksü/Nov. 22 (TYO): Ao Region, NSCN-IM

indang CAO ajanga November 9, 2023 nü osang kaket balala nung "Tez, Talab, Sunflower, Rum" amala ayokba nokdanger ta sangdongba dak sendakba nung, Tez aser Talab densema moko agi yangluba osettem (tobacco products) ya contraband oset masü, ta Mokokchung Chamber of Commerce & Industry (MCCI) ajanga sangdong ka nung jangjatsüogo.

Moko agi oset balala yangluba aser ayokba azüoktsü asoshi talisa Cigarettes and Other Tobacco Products Act, 2003 (COTPA, 2003) ozüng lir aser itemji mapa kuma amshitsü asoshi kettangsürtem lir, ta ashi.

Mokokchung nung aliba NSCN-IM kettangsür temi item moko agi yangluba oset apuba aser moko agi yangluba oset ayoker shishilembar kar merenshiba osang angashir. Tejangja shishilembar dak yamaji tim masüba mera agiba

MCCI ajanga tatok magütsütsü, ta sangdong ajanga ashi.

Ajidang masü Mokokchung nung aliba NSCN-IM aser police kari Nagaland kubok district balala nungi Mokokchung ajanga aoba/aruba shishilembar aser transporters merenshiba aser ozüng alema senotsü meshiba osang angazüker. Anungji yimzung aser tesunep alitsü mechii item mapa ya tangsa anentsüla, ta MCCI sangdong ajanga ashi.



Clark Memorial Higher Secondary School, Impur nung azünger kaketshirtem tangazükba balala agitsü nüngtem nung kum shia India yimti balala sema aor. Taküma Class 10 aser 12 nung azünger kaketshir 29 den tesayur ana Kolkata-i oa tesem balala sema November 17 nungi jajadagi aser November 25 nung shilangtsü. Parnok Kolkata nung Science City semdangba mapang tangokba noksa nung angur.

Dept. of Social Welfare, Mokokchung ajanga metedaksür

Dimapur, Yimpoksü/Nov. 22 (TYO):

Maneni Active Bank Account alirtem nem iba teyari ya tsünglanglen agüja aliba anogotem nung pei Bank Account temi yokogo:

1. Nagaland Rural Bank - 1st September, 2023
2. Indian Bank - 4th September, 2023
3. NStCB Ltd - 5th September, 2023
4. IDBI - 6th September, 2023
5. Bank of Baroda, Ungma Branch - 15th Sept. 2023
6. SBI - 16th September, 2023
7. Canara Bank - 18th September, 2023
8. Central Bank of India - 25th September, 2023

4 buba NDMSA Biennial Conference agiogo

Dimapur, Yimpoksü/Nov. 22 (TYO):

Convenor, NDMSA, Botovi Sema-i züngsemtem dang NDMSA jubilee takok ngua amungsü asoshi yariteptsü ayongzüka liasü.

Paisa züngsemtem dang maongka ajak nung meranga inyaktsü aser pei sempet sayua tayongzükba balala koktetsü ajungshia liasü.

Sorkar inyakyim tajungtiba nung takok ngua inyaktetsü asoshi nenoki tongti shilem agitsü aser aji meteta alitsü kanga tongtipang lir, ta tongti o jembir P. Bangjung Chang-i ashi.

Nenoki jeretpereta inyakba ajanga inyakyim tiptema aor aser ibaji ajanga nüburtem

ajangzüker. Ministerial staff ya 'paperwork' kisüng masü, parnoki tenmang sayur, yarir aser timtem mapang nüburtem takum tajungba kumdaktsür, ta pai ashi.

Nenok mapa aikati züngshia malitsü akok, saka nenok ya sorkar inyakyim nung tongtiret lir, ta ashi.

Nenoki temolung agüja aser jeretpereta inyaktsü aser pei sasa pei dak temolung lemer mekazütsüla, ta paisa ashi.

NPEWS 41 buba lokti senden menogo

Dimapur, Yimpoksü/Nov. 22 (TYO): 41 buba Nagaland

Police Employees Welfare Scheme (NPEWS) Annual General Body Meeting 2023 ya Rhododendron Hall, NPOCM, Chümoukedima nung November 17, 2023 nü mena liasü.

Iba senden nung menden ya Joseph Hesso IPS, IGP (Adm) & President NPEWS liasü, kong Rupin Sharma IPS, DGP Nagaland; Sandeep M. Tamgadge IPS, ADGP (L&O), Martin Pienyü IPS, IGP (INT) aser Imlisunep IPS, IGP (Vigilance) nungertem dena liasü.

Iba senden nung NPEWS subscribers nem sentong tajemba nung Micro Financing Loan agütsüsetü aser iba maparen 2024 kum tetenzüklen nungi mapa kuma aotsü lemet.

Senden nung ano Unit Dealing Assistants, NPEWS ajunga asoshi NPEWS nung

nungi nisung 234 dena liasü.



November 22, 2023 nü Ranchi nung Jharkhand Assembly Foundation Day anogomong sentong nung Jharkhand Angh C.P. Radhakrishnan, Chief Minister Hemant Soren aser Assembly Speaker Rabindra Nath Mahato nungeri MLA Ramchandra Singh nem 'Excellent MLA Award' agütsüdang tangokba noksa nung angur.

Rajasthan nung Congress-i caste survey agitsü: Rahul Gandhi

Jaipur, November 22 Congress leniri ashi.

(Agencies): Bodhbarnü Congress party lenir Rahul Gandhi-i, Rajasthan nung Congress-i takok ngua sorkar kümra party-i state nung caste census agitsü, ta ashi.

Rajasthan kübok Dholpur jila nung election nüboyim senden ka nung jembidang Rahul Gandhi-i Centre sorkari benokba Agnipath scheme-a aitsü.

Agnipath scheme ya ajanga linük kümzüka ayuba nung shilem agitsü jangrar lanurtem aika mangdang raksatsüogo, ta

"Rajasthan nung tanaben sorkar akumba sülen Congress teinyaktsü mapa mezungbubaji caste census asütsü. Centre nunga sorkar akumba sülen Congress-i linük tesem ajaklen iba ya (caste census) inyaktsü," ta taoba mapang Congress Tir, Gandhi-isa metedaktsü.

Caste census agitsü nüngdak, kechiyong linük nung Dalit nungertem aser backward classes nisungtemi parnok nütsüng kwi aliar metettsü nüngdak, ta pai ashi.

"Tastüngdangba tulu kaji-tanü iba linük nung rongsen koma lemsar?" ta pai ashi.

"Tamalen Ato kilonser Narendra Modi-i pa-a OBC (Other Backward Classes) nungi lir, ta ashi, ajisüaka ni caste census agitsü atema takhangba agütsüba sülenbo pai, linük nung caste ka dang lir, aser ibaji sensaktem' ta jembir," ta Rahul Gandhi-isa metedaktsü.

Assembly menden 200 aliba Rajasthan state nung November 25 nü election agitsü aser December 3 nü vote azüngtsü.



TIR YIMYIM

YIMOBILEM (EDITORIAL)

DIMAPUR

YANGTEPNÜ

YIMPOKSÜ 23, 2023

Democracy tongshi pungobuba

Nagaland state government nung alir yimsüsürtemi Nagaland nung aliba Naga kintem telongjem sabang ka tentettsü atema ajungshitebaji junger saka parnoki anir iba sabang akümtsübaji tera meshitak asütsü. Iba lagi Nagaland anüdoklen aliba kintemi iba sabang nung adentsü atsüayonger asü masüar ashitsü makok saka yakanü Kohima nung iba sabang tentettsü atema sentepba senden nung parnok madenba agi tebilemba matalok ser senshibaji tajung ka ataloktsü asoshi dang asütsü ta bilema atar. Asenok ya tia ajung, nisung kati mesüra kibong kati dang chuba yimli kümber yimsüsübaren nung masü saka tanü putu nung kümvetba yimten yimsüsübaren democracy nung senso ajak kasasa yimten temeten lia shilem agia yimsü asür. Atangji, senso ajak kümber jembitsü masü aser senso ajak kümber madsenhitetsü, anungji ajak tenüng nung, ajak asosha jembitsü, ozüng latettsü aser sentong yanglutsü atema senso tain ajaki shilem agia yimten yimsüsütsü atema tatartem shimitter. Aji oda, asen lima nunga küm pungo shia küm pungo atema arishi küm 18 nungi tekapur senso tetsür tebur ajaki shilem agia yimten yimsüsürtem shimitter. Ajisüaka, nübor temi tashi agütsür yimsü asüba yimten, koba dang democracy ta ajar, iba democracy ya küm pungo shia election agir yimten yimsüsürtem shimitter mapa ya dang masü saka anogo shia nübor temi tatem, taküm aser rongsen kümzüka ayuba aser nübor temi tetsübu melii pelaa alitsüsa yimten nung ochi aser teindang agi telemtetba agia nübor temi nüngdak repranga anepalubat em ajakji democracy dak aketba chiyongtsü aser tajangzüktemji lir. Nübor temi iba tajangzüktemji agitetsü atema democracy nung yimsüsürtem azüoktsü tashi ka lir, iba tashiji yimten nung yimsüsürtem kübok government sentongtem mapa kuma inyaker ketdangsertem, itemji Executives aser ano yimsüsür aser ketdangsertemji pei inyaknüttsü inyaktsüba masü saka mapa ajak timi inyakdaktsütsüsa azüoktsü atema parnok madak obendangertem lir, itemji Judiciary, aser ano yimsüsür, ketdangser aser obendangertem shitak inyakba meinyakba mapatem ajak nübor temi nem metedakja anidaktsü atema osangbenertem lir, itemji Media, anungji item telok pezü dangji Democracy tangitba tongshi pezü ta ajar. Aji oda, kodang nübor temi mulungba yimsüsürtem shima yimsü südaktsüka, yimten nung ketdangsertem, obendangertem aser osangbenertem pei teinyaktsü shitak indangindanga meinyakba demoracy-ji democracy masü kuma laotsü, idangjibo nübor temi tia tamajungba, tesensakba aser timtatemba akümtsü. Iba ama tia ka nung democracy tashi itshidakja mesotsüba, ano, tongshi tashi tait ka nüngdaker aser iba tongshi lokti tentettem, civil societies, asütsü. Aji oda, democratic lima süaka lokti tentettem ola madokba lima nungi yimsüsürtem aser ketdangsertem ajak memeteti aser meteta ochimashi kümadoktsü aser osangbenertem itemji yimsüsür aser ketdangsertem o tongdar ama ka dang kümadoktsü. Ibajai taila democracy lima asütsü. Yimsüsürtem aser ketdangsertem na jembiteper nübor temi meyong tagitarutsütem tanemi lemsaa agir aser obendangertem aser osangbenertem itemji mangu toktsür aser lokti tentettem ola madoker ta aliba limai koba ama lima ka asütsü? Ibajai kodang bilemdangdir, aji asen lima mesüka asenoki medemdangtetsü. Iba ama tia nungi pei lima aser nübor temi kümzüksü asosha lokti tentettem ola adoktsüba ser nung lokti tentettem aja yimsüsür aser ketdangsertem aniba nung dang anidakra democracy tongshi pungo prongla kasasa tashi mait kümadoker asütsü. Idangji nübor temsaa akoksatsü. Tanganütsübo maket saka shirangba mimshi dang tamajungba kümduktsü amato masütsü atema asenok shirangba tashidakji tongshi pezüprongla, executives, Judiciary, Media aser Civil Societies tongshitem ajak Legislature tongshi dak dang nendaka aliba tashidak aser timtem asütsü. Ibayongji tongshi pezüjibo tongnua masü kümogo. Iba ama tia ka nung nübor temi timtem alidang, ano lokti tentet (civil society) dena yimsüsür (legislature) temiang anir kümvettsü na? Aji agi asen lima jungdima (?) ta shisabolua bilemer.

OLEMSABANG

Küm aika samar aliba tamadokba jabaso meyipa aruogo

Takolong Chuchuyimpang

Lt. P.B Acharaya Nagaland nung Governor alidang 2016 küm Dimpaur Press Conference ka nung, Nagaland ya kanga tepur tajung, ken tapu balala den sobaliba tajung tapu balala aika oda koda jangrat Emitsüka, saka tanü tensa ya reprangdangra 'Nagaland for Christ' ta tebang agi jembiba ama masü, saka mapu agi Khristan tajung ka ama lia mangur ta Naga nungner kanga dang luja jembir aoba tanü asenoki bilemteter. Parnok tiazü tsüngrem, oda sünganglu kümber kümber ka dang süaka asenok dak aketba shitak ochishia shiogo ta bilemer.

Tanü asen Naga nungertem amangba Tsüngremji Tsüngremtem madak Tsüngrem (Jesus Christ) Lazar sur pezünü (4 days) joko temang nung teshinem kanga mejungi menemer, saka Tsüngrem chir Yisui pa shia arudaktsüba ochi Tsüngrem Yisu dak amanger surnung temulungjang aser asenok mapu, jaklaliro Yisu den maliba ajanga India ajunga nung most corrupted state-ji asenok Nagaland No. 1 list nung lir, ya koda tesasatsü. Tiyazü tsüngrem, oda sünganglu kümber taküm -a madoksa aliba ajanga 'Nagaland For Christ' ta ajaba lima ka nung, tiazü süaka shitak kümber, ano shitak Süaka tiazü kümber aser aji oda jungjunga mejangjaba tiazü olulu tamajung jembitepa jajaba agia tatembanglak tashi tongogo. Ano tebang o mapa na meputep, tamajung dang bilema inyakba agia asen nüburu tatembanglak tashi tongogo. Azümesen den chiyongtsü tajung dang bilemba agi tanü asen lima lendong nung lir.

Tanü asenok tilartem asosha ochishia mapa meranga meinyakra sen angutsü lenmang maliba ayawara agi menepa tokogo, joko linük nung sen mli, tamalen shia aluba ama sen makaba ajanga asen lima toktsür aoba tamadokba jabasoji Wabong N.S.T. Bus service from MKG to Kohima liasü. Tanü sensaker tamang tir sarasadem Tsüngremi langzüa tamadokba jabaso shilanga aruogo, anungji talisa asenok sensakertem Tsüngrem tenüng sanga Wabong tajung ajurutsü merangdi.

Sensaker tajangzükji yamai :-

- Gari tila nung Kohima atongdang tashi nung lendang chiyungba dena sen ajak agi Rs. 1,500/- indoker.
- NST bus nungi chiyungba dena sen ajak agi Rs. 500/- indoker. Asenok tilar Atema Rs. 1000/- ji koda tulu.
- Anepdangshia Naga nunger sen bus ana nung Rs. 70,000/- tajangzük angur ya asen Naga nunger sen.

KUKNALIM

India lima nung aiben Naga nunger mezüngmeshir

L.Kika Pongener.

(Yashi adok nungi...)

Ano India lima nung Nashi metepsettsü indang kanga bulua jembir. Talisa, yimsusur tazüngpurtemi anir Politician-temi mapang shia India lima nung Nashi metepsettsü atema linuk nung ozüng kuma yanglutsüba kanga meranger. Ano tawa Tamil Naidu nung DMK lennir Bharati-i Governor R. N. Ravi aija jembidang, Naga nunger tenung tetshia 'Azü shi achiba kin' & 'Azü shi achiba lima'...ta mezüngmeshia jembiba Social Media nung ngua kanga küküa jashia bilemer. Ano India lima nung Shiruru kümzüka ayutsü merangba mulongtet telok (Social Activist) lennir Maneka Gandhi aser Hema Choudhouri ama aika lir. Item telok-tentet aser lennir temi jagi Nashi metepsettsü aser talisa, Azü kümzüka ayutsüba indang kanga sashia jembir. Sürabangla, Nashi aser Azü jibo metepsettsüla aser wazuka/kümzüka ayutsüla...Saka Nabong, Ak, Batak, An item yabo tepsetyongja kecha masü asü...??? Item yabo shiruru masü asü...??? Nashi, Ak, Azü, Nabong, Batak, An item ajungaji küsa shiruru dang masü naa...??? Item yabo kechiba tepseter...???

Surabangla, Nashi metepsettsü atemabo linuk temzüng-ozüng kuma yanglutsüla, aser Azü shi achiba-bo kanga sensama-a tetla-tetshir...Saka, Nabong, Ak, Batak, An item yabo odang tepsettsüla aser achiyongjia kecha masü no !!!!!! Aji oda, North-East India nung aliba kintem aser Muslim nungeri achiba Nashi aser Azü itemjibo metepsettsüla aser wazuka/kümzüka ayutsüla...Saka Hindu nunger temi achiba shiruru Nabong, Ak, Batak, An, itemjibo tepsettsüla asü...!!!!!!! Iba ama tanak-temesung bendanga benshiba temzüng-ozüng India lima ama kin aika meyoktepa aliba linuk nungbo mapet aser menungdaker. Aser iba ama temzüng-ozüng yanglutsü merangba 'Political Party' nemjibo nübur temi Vote magutsütsüla aser yimsu asütsü maongka magutsütsüla. Kechiyong iba ama taochi maket yimsüsürtem küm aika yimsu sura, India lima yagi linuk aika kuma lemsaa aotsü ana nung lir. Sürabangla, linuk temzüng-ozüng nung ya Hindu nunger atemabo 'Special Status' kar wazuka yuja ali asü ???...ta nübur temi temulong meleme bilemtüsa mapa jagi sayur. Aser North-East India nung aliba kintem aser kin tilatem (Minorities) item yabo kangasa tajemzükba jenjang... 'Third Class Citizen' asü ???...ta nübur temi ashishitsüla mapa jagi sayur. India nunger temzüng-ozüng nung pei amangnuba tamang yimsü amangtsüba mela-a liaka, aiben Hindu nunger temi Christian-tem kanga mejungi reshikangshiba angudang kanga küküa jashir. Aji oda, India lima ama kin tanak-temesung aika alidakbo, yimsüsürtem kanga shisa kaa ken o-a jembitsüla aser yimsu asütsüla, ajioda, mesüra India lima lemsatsü ana nung lir.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Kohima Bible College küm ajungba 50 Golden Jubilee amonger



Kohima, November 22 (TYO): Yimpoksü/ aintsü, Yisu dak rangloksü aser tanelu temeshi nung baptitsü ayongzüka liasü. Paisa tamangertem dang Khrista dak tera ayanstsü, Tanelu Temeshi agizüksü aser Khrista osangtajang proktsü ayongzüka liasü.

Kasa sentong nung Rev. Kiewhuo-i KBC nüngokakat sayatsü.

Taoba mapang KBC nung tesayur aser NCRC Ao, Kohima nung pastor, Toshi Imchen-i Jubilee salem osang lemsatepa liasü.

Iba sentong ya KBC nung

Asst. Professor, Dr. Keneipfenuo Rüpreo leniba nung agi aser Vengo-ü Koza den Kohima Bible College Golden Jubilee Choir-i ken aten.

Kasa anogo nungsa KBC Principal Rev. Zotoo-i Golden Jubilee nüngshilong azüngtsü.

KBC Tir Abei-ü Neihulie-i KBC Campus nung tang tasen yangluba Rev. David Oliver Nunn Memorial Boys Hostel semzüksü aser asür, Rev. Neihulie'er jabaso Atouzo Neihulie-i Jubilee tekülem ki semzükja liasü.

Uttar Pradesh nung taoba ita apuba Pastor ka chiokogo

November 22, 2023: Taoba ita Uttar Pradesh nung Khristantem tekülem sentong tagidak mapang police-i puer aosang pastor ka chiokogo, ta Mongolbarnü International Christian Concern (ICC)-i metedaktsü.

Taoba ita tetenzülen Uttar Pradesh nung police-i Khristantem tekülem sentong tagidak mapang Tenla ki mita aodang pastor den züngsem pezü apu.

Iba mapang nungji police-i Laishiba, PA system aser pulpit densema Tenla kidang aliba oset aika kuli atema bener oa liasü.

Pastor Chotelal den Arogo züngsem pezü dang ghonda aika asüngdangyaba sülen

Kristan pezüjibo chiok saka pastor Chotelal bo ita ka dak tali police ket nung ayu.

Pastor Chotelal ya testüiba

küm 30 dak tema par yimdak pastor inyaker aser hopta shia pa leniba nung Kristan 100 shi adenshia tekülem sentong agir.

Hindu yimsü alia amangertemi mapang shia pa nem timtem agüja aru, ajsüaka pa jail nung puokba yabo tang mezung ataloker. Tesüa pa bail nung chiokogo.

Osangbener den jembidang pastor-i, "Anogo shia amai police ozü kidangi arua tekülem sentong agiba mita liasü," ta ashi.

Pa jail nung ita ka shi amongba indang lemsatepdang dak tema puogo.

ANOGO ABEN TSÜNGREM DEN

Tsüngremi pelashishia agütsüba meimer

2 kor 9:7

Khristantem ajak dang asüngdangba tasüngdangba kaji ter shilemji özüng süa akangba ka asü? Ibai tenüngsang maliba mulungjang nungi asüngdangba ka lir. Tsüngremi asenok nem moatsüba ajak nungi tajemtiba agütsüba, ter shilemji lir. Ibai Pa tenüng asangba aser tushiba lir.

Abrahami özüng maliba mapang ter shilem agütsü (Lipok 14:20). Pai pasasa mulungteta tenüngsang agütsü. Yakobi Tsüngrem dang nangzük, "Nai kü nem moatsüba ajak nungi ni atangji Ne nem noklang nung ter Ne nem agütsütsü" (Lipok 28:22).

Kodang Israel nunger kin ka ta jateta aküm peisasa mulungteta agütsüba iba mapa ya özüng aküm. Mosa ajanga agütsüba özüng jagi ashir, "Aser Ilinük ter shilem ajak, ali nungi adokba tejang súshia, mesüra súngdong tejang súshia, Kibuba meyong lir: aji Kibuba asoshi temeshi lir" (Lev. 27:30).

Yisu mapang nung tezülürtemi aser Farisitem tilatiba nungia ter shilem agütsü, saka parnoki ochi, taochi aser tamang toktsü. Anungji pai tershilemji temeim mulungsentsü ajanga agütsütsüla ta sayu (Matt. 23:23).

Yisu asüba nungi asenok tezüngzüktepba tasen kar aser iba tezüngzüktepba kübok özüng süa ter shilem agütsütsü tesayuba mali kechiaser Tasen Tezüngzüktepba "tajungba" Tezüngzüktepba lir, tajung ka agütsüyim sayu: pelashishia agütsüba (2 Kor. 9:7). Mulungsoa agütsüba (2 Kor. 8:4). Tali agütsüba (2 Kor. 8:3). Anungji tanü Khristantem asoshi ibai tenzüka inyakba tesem tajung ka lir saka iba nungji aintsüla. Asenoki ibai maneni agütsüpet agütsütsüla. Jenjang medaki asenoki agütsütsüla (2 Sam. 24:24).

Sensaker maitsür kati la akaba agütsü (Mk. 12:41-44). Maryi la akaba shiloktsü (Mk. 14:3-9). Yisui tenaprongla tenüng asang. Ter shilem nung akaba ajunga dangi aobaji Kristan ainba nung shilem ka lir. Shirnoki parnoki bena aruba nung ter shilemja magütsür, Tsüngremi parnok dang auer ta ajar (Malaki 3:8).

Küm tesadang tema aor, ner kibongi ter shilemji magütsü arua lira, tanü tenzükang. Ne ita sen agizüklü intoktsü tetenzük. Kidangi bener arur sarasadema Tsüngrem shilemji tama balaka agitetta yuang aser ner kibong nüngdaktem aliang. Ibai yimya tajung lir.

Kaduna State nung pastor ka tepset aser kinüngtsü puer ao


ABUJA (Nigeria), District Church Council (DCC)

November 22 (Agencies): nem Tsüngremi tesünep agüjüng ta sarasademjang," ta mepishia metedaktsü.

Pastor, Rev. Joshua'er kinünger, Geoffrey Ruga-i, "Onok aser pa kinüngtsü atema sarasademjang, kechiyong tang tashi parnoki la mechicker," ta metedaktsü.

Hokolbar aonung Damakasuwa jila nung auer telok kati Evangelical Church Winning All (ECWA) nung pastor, Rev. Joshua Amako Maraya tepset aser pa kinüngtsü puer ao, ta ECWA nung otongdar, Rev. Romanus Ebenwokodi-i metedaktsü.

Pastor Ebenwokodi-i sangdong ka ajanga, "Pa kinüngtsü choiktsü atema sarasademjang aser par kibong den ECWA, Damakasuwa



Lauren Daigle

i (Goodness of God ken ajanga) Top Gospel Song award angu.

Top Christian Artist of The Year award anguba osang angashiba sülen Billboard den jembidang Lauren Daigle-i, "Iba küm ya küm tajung ka liasü. Külem inyaker tasenpurtem liasü, producer tasen ka, ken mejemer tasen aser ajak dang temabaji medemer tasen aika

liasü. Lenmang piyong jajadang onok sapurtemi onok kanga nungita aruogo. Parnoki meimbaji onoki metetter aser iba tesendaktepijiajanga onok ajungmesor. Ni meimba inyaktettsüa parnoki nungitba atema ni parnok dang kanga pelar aser 2024 kümano teimba inyaktettsü yongyar," ta metedaktsü.

Maneni Kanye West-i Top Gospel Artist award angu, Maverick City Music x Kirk Franklin-i (Kingdom Book One kensep ajanga) Top Gospel Album angu aser CeCe Winans-

AO OSHI ANGAZÜKDAK:
TANÜ ANGAZÜKTSÜBA OJANG


Tir Yimyim

Semtzü

- (n) tanur asodang tanur temang meyibanga aliba tzü (membrane)
 * Tanur asodang semtzü dena alur.

Semzük

- (v) temang nungi süoshi agizük (undress)
 * Tanur aikati lemi marem tula semzük.

OLONG PAITEP # 6622

1	2	3	4	5		6	7	8
9					10			
11						12		
				14		15		
16	17							18
19				20				
			21					
22		23		24	25			
26			27					
28					29			

TIPLÉN

- | | | | |
|---|-----|----------------------------------|-----|
| 1. Meyimla | (6) | 1. Metsübui | (5) |
| 6. Tekup indok | (3) | 2. Reprang | (3) |
| 9. Tanur ka dang aliba dang ajaba | (5) | 3. Süoshi kecha magi | (6) |
| 10. Temezung agi yirutsu | (5) | 4. Metetsümonga inyakba | (3) |
| 11. Tsükden nung anak aliba | (5) | 5. _ _ _ bang | (3) |
| 12. Yamaji asü ta asüngdangba | (2) | 6. Iba yagi entsü akor | (2) |
| 14. _ _ _ tem | (4) | 7. Ozü apuba oset ka | (4) |
| 16. Maginüi/ mesapui | (6) | 8. Temeyong salar asaba | (3) |
| 19. Talangba/ tuluba kuma | (3) | 10. Prangshi | (3) |
| 20. Suoshi shizuka ao | (5) | 14. Ngisa agi yangluba takatsü | (5) |
| 22. Iba tashi agitsü ta agizüka ayu | (4) | 15. Tenem ser metsü | (5) |
| 24. Magütsünui agutuba | (4) | 17. Kangasa mepilaner | (6) |
| 26. Perira/ atara | (5) | 18. Süngjang ka | (6) |
| 28. Tzü ajemdang amshir | (5) | 21. Meshia-ao | (4) |
| 29. Tsünüsempongtsü/aonsotsü tsünütetba tesem | (4) | 22. Teka nung mayu | (3) |
| | | 23. Kanga tekara shiruru ka | (3) |
| | | 25. Neyi dang ajaba | (3) |
| | | 27. Temenen tanelia aiba shiruru | (2) |

OLONG PAITEP # 6621 TELANGZÜBA**TIPLÉN:**

- | | |
|---|---|
| 1. Taa, 3. Tekum, 6. Aibelen, 7. Aut, | 1. Tai, 2. Asensor, 3. Tanü, 4. Kua, |
| 9. Ajizük, 10. Ojala, 11. Semer, | 5. Mitsüktsü, 6. Azübensi, 8. Lah, |
| 13. Sen, 15. Kioktsü, 17. Itsük, 18. Kar. | 9. Jangkok, 12. Akok, 14. Nashi, 16. Sür. |

LANGTSÜNGLEN:

Deobarnü, November 19, 2023 nü Brazil nung tatsüktibia (hottest-ever temperature) anogo liasü. Iba anogo Araçuaí yimti nung 44.8 Celsius (112.6 Fahrenheit) liasü ta Brazil National Institute of Meteorology ajanga metetdaktsü. Iba ya masüdang Brazil nung tatsüktiba anogoj i November 2005 nung Bom Jesus yimti nung 112.4 Fahrenheit asadangtetba liasü.

Khasi Students Union-i Mukroh nung asürtem bilemtet

Shillong, November 22, 2023 (Agencies): Küm ka tejakdang Mukroh yimtsüng nung lendong atalokba bilemteta Khasi Students' Union (KSU)-i Bodbarnü Shillong kubok tesem balala nung sentongtem agiogo.

November 22, 2022 nü West Jaiñtia Hills District kubok Mukroh yimtsüng nung tai maketba Meghalaya nunger pungu tashi sama.

Bodbarnü KSU-i Shillong kubok tesem aika nung banners

aser flexes yutsüogo. Parnoki Secretariat Building, Mot Kiang Nangbah near Civil Hospital in Shillong, Khyndai Lad, Motphran, Laitumkhrah Square aser Golflink areas nung yutsü.

"Mukroh ya Meghalaya nung tongti shilem ka lir! Assam nenoki atsünga taru" ta KSU-i banners nung zülur yutsüogo.

November 22, 2022 nü Assam Forest Protection Force-i Mukroh nungi süng shibelenertem ta temulung meleme bilemba agi injang

khaloktsüdang nisung 6 asü aser ana kanga mejungi yiru.

Taküm October ita Assam aser Meghalaya sorkartemi Mukroh ken o atema judicial commissions maparen tembangtsü aser Central Bureau of Investigation (CBI) ket nung agütsüba osang metetdakja liasü.

Iba tatalokba bushisüngdangba maparen nung shinga tsütsü tejak meshii inyaktsü atema parnoki iba lemte agi.

APSC ken o atema Additional SP (Crime) Bongaigaon apu

Guwahati, November 22, 2023 (Agencies): Assam Public Service Commission (APSC) sen yong mapa ken o dak sendakba nung apur rongnung Das ya nisung 35 buba lir.

APSC-i 2013 batch nung shimoker Assam Civil Service, Assam Police Service aser tanga elite service officers 34 anema Assam sorkari departmental inquiry tim nisung 34 apu.

Tim masüba inyakyim ajanga sorkar mapa anguba candidate tenüng tarensen nung Das dena aliba atema apu.

Taoba mapang Assam kubok tesem balala nungi civil servants 34 tashi puogo. Iba ken o atema tentetba Special Investigation Team-i parnok apu aser

Guwahati-i anir aruogo.

APSC sen yong mapa ken o dak sendakba nung apur rongnung Das ya nisung 35 buba lir.

APSC-i 2013 batch nung shimoker Assam Civil Service, Assam Police Service aser tanga elite service officers 34 anema Assam sorkari departmental inquiry tim nisung 34 apu.

Sorkari report nung ajemdaker mapa inyaktsü tenzük aser Assam Chief

Minister Himanta Biswa Sarma-ia bushisüngdang asütsü

tetuyuba agütsü.

CCE 2013 report nung APSC tatidang nung metokmeperi aser tim masüba inyakyim indang shia lir.

Justice (retd) Biplob Kumar Sharma Commission indang inquiry report nung ajemdaker

nisung 34 apu.

Justice (retd) Biplob-isa

taoba APSC chairman Rakesh Paul shomba atema tebilemtsü abenba shia liasü.

Commission-isa CCE 2013 batch nung shimoker ajak mapa nungi anentsü junger ta shidanga lir.

CoTU-i NH-2 aser NH-37 nung rongsenketzung mokdang magiener

Imphal, November 22, 2023

(Agencies): Committee on Tribal Unity (CoTU) Sadar Hills ajanga Kangpokpi district ajunga mokdangba tanü nikongdang 6:00 aka nung tembangogo saka parnoki NH-

National Highway 2 nung aliba

Leikop tesem nung lungkak aitba sentong ka ayonga agi. Union Home Ministry dang anogo 5 tsüngda inyakang ta onük kar agütsüba nenshia parnoki iba sentong agi.

Iba sentong nung Kuki-Zo tsür teimba aden aser parnoki "We Demand CBI inquiry", "We Want Justice", "We Demand Separate Administration" amala yimyimtem ayima lungkak aitba

prime Minister-pur nem minority nisungtem dak parnok sünütsü süa meinyakdaktsü. Centre sorkari electoral politics adena oa bilemtsü aser minority nunger taginübatem atema inyaktsüla, ta paisa shisem.

November 20, 2023 anepdang Valley-Based Insurgent Groups-i IRB personnel ka dena Kuki-Zo nunger ana khasetba sülen CoTU-i ghonda 48 mokdangtsü ayongzük.

Prime Minister aser Union Home Minister nati Kuki-Zo nunger ken o tem atema inyaktsü ayongzük, ta Kipgen-isa ash.

CoTU-i ayongba Total Shutdown anogo tanabuba nunga dokan, school ajak shibang aser NH-2 nung gari mesenzü.

"Onoki Union Home Minister dang anogo pungu tashi nung inyaktsü onük pungu agütsüogo aser iba sülen onoki tesashiba nung lungkak aitstsü" ta CoTU Media Cell Coordinator-isa shisem.

Mokdang piyong volunteers-i tesem balala nüka mita ajisüaka lendong atalokba osangbo kecha mali.

"Iba mapa inyakba sülen VBIG tem chiyungtepa benjungtepa indang video aser noksatem yimjak nung lir" ta pai ashi.

CoTU-isa Bodbarnü

ECOWAS-i tenokdangba agütsür aliba agiendaktsüsü Niger sorkari asüngdang

Niamey, Yimpoksü/ November 22 (Agencies): Niger indang military sorkari Mongolbarnü West Africa indang regional court dang kidanger linüktemi parnok nem tenokdangba balala agütsür aliba agiendaktsüsü asoshi tetuyuba agütsüsü asüngdanggogo.

Niger nung July ita military-i sorkar atsunga tir Mohamed Bazoum atsüngtokba sülen parnok nem tenokdangba balala agütsür lir.

"Tenokdangba agütsüba ajanga Nigerien lokti tentet ka dak danga mekongshiba mali," ta sorkar okatsür Younkaila Yaye-i Nigeria yimtiba Abuja nung ken o angadangba mapang ashi.

National Council for the Safeguard of the Homeland (CNSP) ta nüngja agütsür sepaitem telok kati Bazoum atsüngtokba sülen Economic Community of West African States (ECOWAS)-i rongsenketzung dak sendakba nung tenokdangba balala agüja

liasü. United States densema tanga linüktemia parnok nem tenokdangba agütsüogo, shirnoki health, security aser infrastructure tenüngdakba balala atema teyari agüja aruogo.

Coup masü tsüngda Niger indang annual budget tesadang kabo teyari agütsübatem liasü. Niger indang kidangertemi ano parnok indang arrtsü shibangtsüogo aser Nigeria-i supply agütsüba electricity shilem 70 dak tema magütsü kümogo. Maneni West Africa linüktem den senotsü tsütatepba dena shibangtsüogo. External bank tem nung Niger indang asset ajak tamshi majung kümogo aser teyari agütsüba dollar million noklang aika sota yua lir.

Civilian sorkar nem tashi meypa agütsüdaktsüsü nükjidong nung regional bloc yagi tenokdangba tesashi agütsüogo. Ajisüaka sorkar masetshi lir aser kasa mapang nung Niger nung nüburtem million aika timtem tekangshi taliba küma odar.

Ken o angadangba mapang sorkar okatsürtemi tenokdangba balala agütsüba ajanga Niger dak kongshiba indang metedaktsü. Parnoki ashiba agi, supply balala agi anüngba ajanga tanurtem school-i meypa moteter, mozü agi anüngä akümer aser osütsüt nung jenjang tali akümba ajanga shishilembaba balala shibangdar.

Sorkar coup asüba tanga linük tem dang nungi tali Niger nunger merenshiba atema Yaye-i ECOWAS aitsüogo.

Sorkari court dang tatembangbuba obendang magütsü tashi tenokdangba agütsür aliba salaja atattsü asoshi mepeshia asüngdanggogo, saka ECOWAS-i iba anema nokdakogo.

ECOWAS okatsür Francois Kanga-Penond-i ashiba agi, sorkar ya bloc indang protocol kübok agizüka mali anungji okadak iba amala ken o ka benoktsü parnok dak tashi mali.

Ken o maneni December 7 nü angadangtsü.

MULUNG NEN



LATE YUMACHIBA
01.01.1934 - 15.11.2023

Onoki teti meima aliba asür **Yumachiba Jamir**. Pa shiranga aliba anogo nungi tasüba anogo tashi nung kija, kibong aser lokti balalai sarasadem aser rongsen, nübu agi yariba onoki ajak dang kanga pelaba iba osang ajanga lemsateper.

Aser ibaibo meshi melitet nung yangi item tenüngtem agütsür :

1. Mr. & Mrs. Temjenmenba MLA & Advisor (GoN)
2. Diphupar Ao Senso Telongjem
3. Khar Fellowship Diphupar Area
4. Mangkolemba Baptist Arogo
5. Mangkolemba Khar Union
6. Mangkolemba Khar Fellowship
7. Dist. Pensioner Association Mokokchung
8. Pensioner Association Mangkolemba
9. Post Octogenarian Trust, Khar
10. Falcon Club Mangkolemba
11. Lt. Mapangtemba & Towesen Semchir
12. Rongtsu Semchir
13. Yinto Mapang, Mangkolemba

Nenok temeim mapa tajung asoshi onoki kecha meypa magütsüetka asen Tsüngremi nenok -ajak maneni moajang ta ozü Sarasadem.

Temeim chirnur, semchisemnur aser kinungtem.

Imran Khan-i bail atema mepeshia Pakistan SC-i agizükogo

Islamabad, Yimpoksü/ November 22 (Agencies):

Taoba Ato Kilonser Imran Khan-i bail asoshi mepeshib Pakistan indang Supreme Court-i Bodhbarnü agizükogo, ta pa okatsüri ashi.

State indang meim osang prokshiba atema pa anema ken o benoka obendangba ya ozüng alema ta court kati sangdongba sülen anogo ka lir Khan nem bail agütsüogo.

Khan tang ken o balala atema okadak raraba mapang lir aser February 8 nü general election magi tsüngda par party anir inyaksangshitsü asoshi

tepuokdak nungi adoktsü atema kanga meranga raradar.

Arishi küm 71 tain yimsüsür ya, pa PM asüba mapang state nem agütsüba sempet ayokba atema August 5 nü küm 3 asoshi tepuokdaki yoka liasü. Pa okatsüri ashiba agi, bail atema bid asüba Supreme Court-i agizükogo.

"Telok anapronglai kuli agütsüba sülen taruba ken o angadangba mapang telemeteba ka agütsüsü," ta okatsür Naeem Panjutha-i X sabang ajanga metedaktsü.

Ken o angadangtsü atema anogo ka atakzüka mali ta pai

ashiba den, Supreme Court-i application dak sendakba nung sorkar nungi osang agitsü, ta shisem.

Khan ya 2022 küm PM mapa nungi agin aser iba sülen pa anema ken o aika benoka tang okadak ken o angadangba mapang lir. Pa tepuokdaki yokba ajanga February ita agitsü aliba election nungbo pa metoktepettsü ajisüaka par party Nawaz Sharif-i aniba party anema tokteptsü.

Nawaz Sharif ya küm pezü tashi London nung oa jenoka aliba sülen taoba ita kidangi meypa aruogo.

Tel Aviv, Yimpoksü/Nov. 22 (Agencies): Israel aser Hamas tsüngta khen atema rara anena atattsü mulungtep aser ibaji ajanga October 7 nü nungi Gaza nung Hamas teloki pua aliba nisung 50 shi chioktsü aser iba melen Israel nung tepuokdak yua aliba Palestine nunger nisung 150 chioktsü aser iba melena tetsür aser tanur 50 chioktsü, ta ashi.

"Israel sorkari pua alir ajak kidangi meypa shilangdaktsüsü asoshi bendanga agütsür inyaker. Iba nükjidong takok angutsü asoshi mezüng noklem ama taonung iba tezungzüktep agizük," ta sangdong ka ajanga ashi.

Gaza nung yimsü asüba telok, Hamas-ia sangdong ka agütsüba nung Israel-i par linük nung tepuokdak yua aliba Palestine nunger nisung 150 chioktsü aser iba melena tetsür aser tanur 50 chioktsü, ta ashi.

Israel-ia Gaza nung mitkar inyakyim ajak anentsü aser nüburtem nüngakba osettsüset, mozü aser totzü bena aliba trucks noklang aika iba tesemi aitsü melatsü ta ashi.

Iba tezungzüktep ya Israel-i nisung million 2.3 shi aliba Gaza nung tesem aika aoyi kumtsürlia khen asoshi rara anenba mezungbuba alitsü. Palestine ketdangsürtemi nisung 14,100

chiokba shia rara anogo ka agi atsülangtsü, ta ashi saka parnok melena Palestine nunger tepuokdak aliba chioktsü indangbo mashi.

"Rara anena atama mapang

tenzüksü ya ghonda 24 tsüngta sangdongtsü aser anogo pezü atema alitsü, koba atsülangtsü akok," ta sangdong ajanga ashi.

Gaza leni humanitarian aid yoktsü aser tetsür aser tanur 50 pua aliba chioktsü aser iba melena Israel nunger tepuokdak yua aliba Palestine nunger tetsür aser tanurtema chioktsü, ta sangdong nung shia liasü.

Tepuokdak alirtem mesüra pua alirtem chiokba ya tali-tali

akumtsü ta ashi saka iba dak tali rasaas mashi.

US Tir Joe Biden-ia iba tezungzüktep pelashishia agizük aser Qatar yimsüsür Sheikh Tamim bin Hamad Al Thani aser Egypt Tir Abdel Fattah el-Sisi nunger dang pelaba lemsatepa liasü.

"Tarutsü anogotem nunga item lenirtem den jembishinüa iba tezungzüktep takok ngua inyaktsü imla atar. Iba tezungzüktep nung aliba ajak inyaktsü tongtipang lir," ta White House sangdong ka ajanga ashi.

Iba tezungzüktep jembishinütsü asoshi senden amentsü lia Biden-ia pua alirtem tali inoksema temelen tajemba agütsüsü inyakba atema Netanyahu-i pelaba shia liasü.

Netanyahu-i iba rara tembangtsü tebilemba mali.

"Asenok rara nung lir aser asen nükjidong ajunga metongtet tashi asenoki maneni raratsü. Hamas samatsütsü, pua alir ajak chioktsü aser Gaza nung aliba lokti tentet kechaia Israel amokmeren masütsü," ta pai ashi.

Israel aser danga linüktem nungi nisung 237 shi Gaza nung pua lir ta amanger, aser Biden-i ashiba agi, rara anena alidang America nunger kar chioktsü.

Iba tezungzüktep nung danga bendangerbo maden südi ta ashir.

Ita ka tejkdang pua bener aoba sülen Hamas-i nisung pezü dang chioka lir aser America nunger tetsür ka aser lar jala aser Israel nunger tantsür ana alitsü. Israel-i bomb pokloktsüba mapang parnoki pua aliba kar tepset ta ashir.

October 7 nü Hamas-i artüsü alema aita Israel nung tesem kar amakdang shilem agiba Palestinian Islamic Jihad telok indang armed wing, al-Quds Brigades ajanga Mongulbar aonung ashiba agi, parnoki pua aliba Israel nunger ka süogo.

"Taoba mapanga humanitarian tsütsü nungi la chioktsü mulunga aliba lemsatepogo, saka tsükchir temi iba maparen meraloka modaktsü aser iba yongji la asü," ta parnoki Telegram channel nung ashi.

4buba Dr. Imkongliba Ao Memorial Volleyball trophy tenzükogo

Dimapur, Yimpoksüi/ November 22 (TYO): Japukong Youth Organisation-i ayongzükba 4buba Dr. Imkongliba Ao Memorial Volleyball trophy Bodhbar nikongtsütsü DDSC stadium, Dimapur nung tenzükogo.

Asayamung lapokba sentong nung Youth Resource & Sports Advisor S Keoshu Yimchunger alakteta jaoker liasü.

Ajak senteper iba asayamung nung team ti-i shilem agidar, kong tanga state nung aruba team ka densema lir. Iba asayamung nung anogo asem asayatsü.

Bodhbarnü mezüngbuba asaya nung defending champion MH-10-i 25-21, 25-16, 25-19 agi Khiruphema kokogo.

Asayamung lapokba

sentong nung o jembiba mapang Keoshu-i ashiba agi, saisapong ya ajak agi yimyayimpong shidak benshia asayaba aser bendanga agüja toktepba aser tamakok agizüktetba dang lir. Nisung kari tamakok magizüktetra pa asayar tajung ka mekümtetsü. Temaba jenjang tongteta asayatsü asoshi nisung kati bendanga agüja asayatsüla, ta pai ashı.

Saisapong ajanga nisung ka shi temang anema toktsüba dang masü iba ajanga teklok shisatsü dena kümküma toktsü. Iba ya tetoktepba ka dang masü saka iba ajanga loktiliba aser sobaliba taküm dak kongshia tajungba kümdaktsü, ta pai ashı. Youth Resources & Sports department-i state nung saisapong ajungketsü atema takokba tashi inyakdar ta shia

pai asayamung nung shilem agir ajak dang yimya tajung agi temaba jenjang atongtsü atema meranga inyaktsü ajungshi. Paisa, bendanga agütsür alirtem ajungketsü asoshi sorkar renema lir, ta shisem.

Pai ashiba agi, iba asayamung ya Dr. Imkongliba Ao tenüng nung ayongzükä asayar, kechiyong pa ya akümtsübsü langa aliba nisung ka shibai linük kanga meima Naga nunger tarutsü tajungba ka asoshi pa taküm bendanga agüja liasü. Lanurtemi pa tsüngsü nung anidaka asen nübertem atema langkabosa inyaktsütsü merangtsüla. Asenok ajaki saisapong aser tanga lenla balala nung koka aliba mapang jenjang tapet agia asen tarutsü yangludi, ta Keoshu-i ashı.

Kohima nung arr atsütepba sentong ayongzükä agi

Dimapur, Yimpoksüi/ November 22 (TYO): Jan Jatiya Gaurav Divas 2023 nüngtem nung Tribal Affairs department, Government of Nagaland den longjemer Tribal Research Institute (TRI)-i ayongzükä nüjiso asoshi raraba tribal tem bilemteta sentong balala ayongzükä agiogo.

Iba dak sendakba nung November 21 nü the Garden, Kohima nung state level arr Rengma kin liasü.

Tribal chiyongtsü tetoktepba Ao kin-i akok aser tanabuba aser tasembuba jenjang nung Tikhir aser Rengma kin liasü.

Euro 2024 atema Croatia qualify süogo

Yimpoksüi/November 22, 2023 (Agencies): Mongolbarnü Euro 2024 atema qualifier nung Croatia-i goal ka

agi Armenia akokba sülen parnok qualify süogo, ajisüaka Wales bo play-off asayatsüa kümogo. Kasa mapang nung France-a Greece den goal sülenang jangjatsü. Semifinal nung takok ngura parnok Poland mesüra Estonia den final asayatsü.

Armenia den Zagreb nung asayaba mapang Ante Budimir-i asaya mezüngbuba shilem tembangtsü minute ana anunga lia Croatia atema goal ka idaktsüba sülen parnoki asaya kokogo. Croatia-i iba asaya makok asübo parnok Group D nung Wales nem ajatetdaktsütsü liasü saka Cardiff nung Wales aser Turkey na asaya goal 1-1 agütsür tembangta liasü. Iba telok nungi Turkey bo qualify süatokogo.

October ita Turkey aser Wales naprongla makokba sülen Croatia pur automatic qualification asürtem rongnung madentsü akok ta bilema liasü saka parnok ya taruba küm asayatsü aliba team 24 rongnungi automatic qualify asüba team 21buba aser tatembuba team kümogo.

Asaya nung mezüngbuba goal Randal Kolo Muani-i France atema idakja liasü. Ajistiaka asaya tanabuba shilem tenzükli Greece captain Tasos Bakasetas-i goal ka idakja goal kasasa aküm aser Fotis Ioannidis-i tanabuba goal idakja parnok tejakdang aküm.

Ajisüaka France atema Youssouf Fofana-i tanabuba goal idakja goal kasasa aküm aser team kati danga tasembuba goal magütsüti asaya tembangta liasü. Greece pur iba asayamung atema automatic qualification bo mongutet saka parnok play-offs asayaba sülen qualify süettsü.

AM Gokhale aser par...

(Tapak 1 nungi...)

Anungji, iba tebilembaji mapa küm aotsü atema A.M.Gokhale-i 1976 küm December 11 nü Kutsapo yimtak yimtaklirtem den senden ka mena yimtsüngtem nung 'Village Development Board' mesüra 'Village Trusteeship Board' ka shimtsü tebilemba benok aser yimtaklirtemi 'Development' ta aliba tenüngji shimteta idangjisa Kutsapo yimtak VDB tenzük."

Kutsapo yimtak asür A.M.Gokhale-i VDB tenzüktsüba nungi tenzüker tanübo Nagaland nung yimtsüng ajak nung VDB ya terenlok mapa inyaktsü atema yimtaklirtem government bushia aotsü melen government ang yimtaklirtemi peisasa pei yimtsüng nüngdakbatem anepalutettsü aser bank ajanga senotsü amshia terenlok

1976 küm Kutsapo yimtak A.M.Gokhale-i VDB tenzüktsüba

nungi tenzüker tanübo Nagaland nung yimtsüng ajak nung VDB ya terenlok mapa inyaktsü atema yimtaklirtem government bushia aotsü melen government ang yimtaklirtemi peisasa pei yimtsüng nüngdakbatem anepalutettsü aser bank ajanga senotsü amshia terenlok

ICC Rankings: Kohli tasembubai tuogo

Yimpoksüi/November 22, 2023 (Agencies): ODI World Cup nung kanga junga asayaba sülen India nunger batsman Virat Kohli, tawa sayaba ODI Player Rankings nung tejakdangi tua tang tasembuba tongtetogo.

World Cup nung run 765 yangluba sülen Kohli jenjang ka tejakdangi tua tang tasembuba tongtetogo aser pai temaba jenjang nung aliba külem India nunger asayar Shubman Gill rating point 35 agi memenepi lir.

ODI batting rangking nung Gill-i rating point 826 nguteta pa temaba jenjang nung lir aser pa sülen tanabuba jenjang nung taoba Pakistan captain Babar Azam (point 824) lir.

Kohli-i point 791 aser pezülbuba nung India captain Rohit Sharma-ia point 769 nguteta temaba jenjang nung aliba asaya ana temeneper dang lir.

World Cup nung Kohli-i kanga junga asaya pai century asem yanglu aser India nunger nüngtugu asayar Sachin Tendulkar-i ODI nung century

tintiba yanglur aliba ajateta liasü. Iba asayamung nung Rohit-ia run 597 yanglua India nunger asayar ana ya iba asayamung nung run timtiba yanglurtem rongnung mezüngbuba aser tanabuba liasü.

2017 aser 2021 tsüngda anogo 1258 tashi Kohli No.1 asayar liasü, iba sülen Babar temaba jenjangi atu saka tang pa Gill-i ajatetogo.

India nunger asayar ana tejakdangi atuba tetezü South Africa nunger opener Quinton de Kock jenjang ana asepzükala pongububa nung lir aser New Zealand nunger asayar Daryl Mitchell jenjang pongu tejakdangi tua tang trokbuba nung lir. WC nung pai run 552 yanglua liasü.

Batsmen tem rongnung Australia nunger opener Travis Head jenjang 28 tashi tejakdangi tua tang 15buba tongtetogo. World Cup final nung pai century ka yanglua par team-i iba asayamung akokba nung tongtibang shilem agia

Bowler tem rongnung South Africa nunger spinner Keshav Maharaj maneni temaba jenjang nung lir aser India nunger bowler tem rongnungi Mohammed Siraj (tasembuba) aser Jasprit Bumrah (pezülbuba) nungi masetshi-i lir. Kasa mapang nung Kuldeep Yadav jenjang ka aspzüka lua tang trokbuba nung lir.

World Cup nung kanga junga asayaba sülen Australia nunger asayar Josh Hazlewood jenjang pezü tejakdangi tua tanabuba, Mitchell Starc jenjang ti tejakdangi tua 12buba aser captain Pat Cummins jenjang tenet tejakdangi tua tang 27buba nung lir.

All-rounders top 10 nung temelensi kangabo mali aser Bangladesh captain Shakib Al Hasan maneni temaba jenjang nung lir. New Zealand nunger asayar Mitchell Santner jenjang ana aspzüka lua tenetbuba nung lir aser Bangladesh nunger asayar Mehidy Hasan Miraz jenjang ana tejakdangi tua 9buba nung lir.

(Tapak 1 nungi...)

"Assam sorkari iba lemtet agiba aitsü. Assam sorkari taila tenangzükbatem agir" ta Ripun Bora-isa ashı.

"BJP-i ED aser CBI tim mesüi amshitsü dang meteta lir. Himanta Biswa Sarma'er sorkari police nem law and order mapa inyakdaktsütsüba masü saka tax sarutsü atema amshir" ta Bora-isa ashı.

"Himanta Biswa Sarma-i jembia aruba ajak taila ama kümogo kechiyong pai police nem süng amdaktsü Bihu committees nungia sen meshidaktsü. Tanü sorkar sen malí kümogo aser BJP sorkari Assam nem sentsüh ulura bentsür aruogo" ta paisa metedaktsü.

Anungji, iba tebilembaji mapa küm aotsü atema A.M.Gokhale-i 1976 küm December 11 nü Kutsapo yimtak yimtaklirtem den senden ka mena yimtsüngtem nung 'Village Development Board' mesüra 'Village Trusteeship Board' ka shimtsü tebilemba benok aser yimtaklirtemi 'Development' ta aliba tenüngji shimteta idangjisa Kutsapo yimtak VDB tenzük."

Kutsapo yimtak asür A.M.Gokhale-i VDB tenzüktsüba nungi tenzüker tanübo Nagaland nung yimtsüng ajak nung VDB ya terenlok mapa inyaktsü atema yimtaklirtem government bushia aotsü melen government ang yimtaklirtemi peisasa pei yimtsüng nüngdakbatem anepalutettsü aser bank ajanga senotsü amshia terenlok

BILEMDANGANG

"Pei tia peisasa dang yanglur."

Assam sorkari tax & fee...

Political rally, sentong aser sendentem den saisapong sentongtem ayongba atema Rs 2,000 agütsütsü.

Ano street plays, awareness rallies aser item mesükba sentongtem atema Rs 500 agütsütsü. Trade fairs, food fairs aser expos ayongba atema Rs 5,000 fee agütsütsü.

Iba policy tasenba ajanga petrol pumps aser gas agencies lapokba atema Rs 10,000 fee agütsütsü lateta lir.

Ki yanglurtem verification, rented accommodation verification aser PG (paying guest) verification atema Rs 300 nungi Rs 500 agütsütsü.

Guwahati Municipal Development Authority

Owner, Printer, Publisher and Editor - K. Temjen Jamir, Published from H.No. E/449 Nepali Kashiram, Dimapur- 797112, Nagaland. Phone: (03862) 248129 / 9436002285, e-mail : tiryimyim@gmail.com . Mokokchung Office : MTBA Complex, Phone: (0369) 2226650. Kohima Office: Glass Mart, Opp. War Cemetery, Kohima Contact No. 9436001045. Delhi office- Paschim vihar, ph- 9818655933